

淡軒稿



淡軒稿

淡翁文集叙

文如夫人者也惟影響
見其人文已矣夫未見
其人見其文人固並世
者李杜韓歐吾後輩見

其文躍如目中哉淡翁

及第入翰苑官學士進

秩春卿吾髫齡相傳故

老知其人傳詳焉未見

其文亦且大都矣乃今

聞孫去非君持公文素
休序未間謂曰若翁之
交雅矣曰然宏而肆矣
曰狀易而淡矣曰然蓄
而精矣曰狀去非君曰

奚知之曰以翁素履攸
德知相肖似耳讀之果
雅矣宏而肆矣易而淡
矣蓄而精矣雅可以辨
志也宏而肆可以辯學

也易而淡可以辨操也
蓄而精可以辨識也淡
翁志學操識弗類夫人
人未及見者文以傳之
讀其文者翁之形群可

想無紛之矣去非君曰
力綿梓未十一吾過也
休曰君誤矣名夫文者
代不歟幾人人不多幾
篇篇不多幾句句不多

幾字鄭鷓鴣以一詩名
空梁落鷺泥競工者忌
過下敲推居狀巧拙夫
是歟乎哉識翁者文已
曩物矣夫去非君曰唯

嘉靖辛卯秋仲吉甫後

學九華山人郭日休書



Vertical text on the left margin, possibly a library or collection stamp, including characters like '上海圖書館藏' (Shanghai Library Collection).

重刻探花公摘稿後序

家太祖澹軒公由宣德庚戌及第第三人歷官翰林四十餘禩藻繪所留至積盈笥篋然大父去非公每

奉遺篇郎念弗壽之木也

將或湮泯焉無傳是虞自

初宮廬郡時郎謀全刻之

棉于力因請太守梅南廖

翁摘其尤十分之一刻之

復棉于力每出必甌以偕
竟遲廻二十餘載弗以果
已而擢大夫岳陽也乃得
諸索俸以畢厥志凡吾太
祖精神所寄發其渾噩光

明之思卒流傳寰內不終
湮泯者雖僅什之一大父
之心亦竭矣嘉靖壬戌之
變莆城不守倭火吾廬逮
刻本全以煨燼何爲爨之

烈至此哉時炳章旅寓金陵聞之遍搜諸笥中無藏本重爲彷徨嗣聞儀部弟啓昌一帙在儲遂遣書索之燕臺以付梓人於乎秦

火烈而孔壁經藏倭燎揚
而儀司帙在乃知天未喪
文吾太祖什一之留豈終
使之與餘灰俱盡也耶刻
旣竣工炳章喜而作曰吾

太祖不朽之言大父無念
之孝今可并垂無斁矣謹
識之于左方

嘉靖四十五年歲在丙寅
季春望日不肖孫炳章頓

首百拜書于棘臺公署

題淡軒先生遺集

岳陽貳守去非先生出

每甄其先曾祖學士淡

軒公集與俱梯得請觀

焉歛衽終讀但見備體

協極理到而氣昌蓋德
人之言哉先生因命曰
子愛先集且連吾林爲
編次何如全刻實限吾
力千百而十一可也夫

全音之樂非師曠弗審
全旨之味易牙知之梯
敢衡公文哉第以板本
便于楮毫事力誦于全
舉不如梓一二之速傳

摘約於博爲卷者十以
傳之便耳雖然公之傳
不在文也自及第至終
官達不易塞人無改評
碩德完名典刑天下不

獨儀家化俗也矧經制
啟沃之勲猷于竹帛琬
琰焉寄論世者必曰公
曰公公之傳不在文也
傳之者先生意也而其

先君子經幕錦衣時志
焉梯用是不敢辭役識
其私于末簡

嘉靖乙酉春三月吉

賜進士出身奉議大夫南

京戶部貴州清吏司郎
中晚學眷生梅南廖梯

頓首拜書



淡軒先生詩集目錄

湖廣岳州府同知孫希範刻于岳陽公署

南京大理寺左寺正曾孫炳章重刻于金

陵公署

卷第一

四言古詩

默齋詩三章章八句

五言古詩

懶窩

玉庵

巢父

丙吉

樂善軒 牧愛堂 蘭花卷 木石圖

山水四景 四首 山水四景 四首

花鳥四景 四首 松竹石圖

蓬萊仙趣

七言古詩

叢竹圖 梅花圖 牧牛圖 捕魚圖

雙鶴圖 八駿圖 德星堂 巢翠樓

琴鶴山房

山水圖為連江趙庶子賦

山水圖爲王編修賦

山水圖爲鍾先生賦

唐明皇兄弟醉歸圖

雲庵爲顏大夏司訓賦

風木圖爲周尹賦

鳳鳥圖爲薛氏賦

郭熙雪景爲雷主事賦

卷第二

五言律

鳳林曉日

馬嶠晴雲

邱墩勝槩

鍾嶺仙踪

高橋柳色

古祠槐陰

竹林曉翠

菊圃秋香

過金山寺

梅月書屋

勿欺齋

孝友堂 二首

山水圖 二首

山水四景 四首

山水四景爲貳守劉公賦

七言律

玉堂賞花和李文達公韻 五首

金臺夕照 潞渚晴雲

廷溪深隱 二首 九華清隱

山水圖 二首 林泉居 二首

水仙花 水亭先隴

西郊先隴 壺山草圖

遊石室巖 鄧林書屋 三首

瀟江書室 二首 江湖勝覽 有序

風煙雪月四梅 四首 樂靜軒

敦本堂爲孔先生賦

雙竹爲曹御史賦

○讀易爲柱御史賦

梅月雙清爲李主事賦

煙雨萬竿爲李主事賦

送柯孟時洗馬主考京闈

送劉贊善先生主考南畿

送王編脩祀東岳

送邢榆討省親

送巡撫廣西刑侍李公引疾歸縉雲

送都御史劉公鎮撫遼東

送都御史顧公致仕

送李御史巡按京畿

送李御史巡兩淮

送劉行人使琉球

送族姪員外赴南京

送翁世資主事書最還

送區主事之南京 二首

送周參政之閩和楊少師韻

送王少卿赴南京太常

送李大參年兄赴蜀

送按察副使顧君赴福建

送張僉憲之廣東
送宗兄僉憲湖廣

送郡守陸公述職
送范知府

送祥鳳族姪二首
送方通判致仕

送黃知縣

送丁大尹復任當塗

送周主簿之吳橋

送王教授之韶陽

送方北解元會試

送盧守初會試

挽金尚書

挽章侍郎

挽張僉都

挽周學士 二首

挽叔劄先生

挽李太守 二首

挽林狀元

挽陳會元尊甫 二首

挽鄭學正先生

挽夏主事乃祖

挽錢季恂

挽監生林子顯妻

卷第三

五言排律

挽東湖徐處士 二首

七言排律

瑞雪應 制
瑞龜應 制

驄馬行春
挽劉寺丞父

挽先輩鄭上舍
挽江處士

五言絕句

蒲萄 四首

七言絕句

鶴 二首

雉 二首

鷹 二首

鷺 二首

雙鵲圖

鷓鴣圖

衡宇賓壺

草堂吟翠

鳳嶺巢雲

梅窓映雪

蘭江別意

采石懷古

匡廬翠黛

江漢朝宗

卷之六

洞庭春色

彭澤秋容

赤壁夜月

黃鶴遺風

愛桃

愛蓮

愛菊

愛梅

五馬出遊

王右軍

淵明像

宋徽宗圖

歌

壽星圖歌

有序

三衢處士鄭先生挽歌

峰山草堂賦

有序

淡軒先生文集目錄

卷第四

雜著

宋三甥字說

鄭氏三子字說

趙穉時慶字說

魯源字說

約肆軒箴有序

慎齋箴有序

集義軒銘有序

瑞瓜銘有序

猶相乳圖有序

淇園書舍銘有序

思政齋銘有序

三省辭有序

黃生綽字辭

有序

儋耳休公像贊

周庶子先生贊

浙藩理官翁君贊

莆郡吳推官贊

林御史贊

致政鄭公贊

栢臺紀瑞引

林孺人挽詩引

書贈太師蹇公忠貞卷後

書懷二都賦卷後

卷第五

序

紅泉講道序

省耕圖序

篁嶺風木圖序

風木圖序

琴逸軒序

瑞麥序

寒江釣雪序

養志堂詩序

玉塘清隱詩序

壽溪四景詩序

卷第六

序

品樹成陰序

聯桂喬木圖詩序

黃雪蓬李易齋二先生詩序

壽封吏部尚書兼翰林院學士李公詩
序

贈工部侍郎翁君序

送右僉都御史高君赴南京都察院序

贈給事中張君任吏科序

贈戶部主事陸君考滿序

贈刑部照磨陳君序

送布政使石公還闕序

送山西按察僉事戴公復任序

送郡守謝君赴漳州序

送王同知之任莆郡序

贈興化衛指揮使張侯序

送劉指揮還温州衛序

卷第七

序

送劉知縣之任莆田序

送增城令之官序

送葉大尹復任湘潭序

贈景寧邑宰揚君序

送陳知事之任序

贈判簿唐侯修水利序

送葉教諭之弋陽序

送司訓朱先生赴湖庠序

送巡檢李孟盛赴菱塘序

送林惟岳還玉融詩序

送鄭孔均還家序

中書舍人沈君挽序

鄭毋鄒孺人挽詩序

林氏家譜後序

陳氏族譜後序

卷第八

記

崇安縣重脩儒學記

恩榮堂記

垂裕堂記

世勳堂記

拙庵記

雪香亭記

叢竹小齋記

霞洲八景記

卷第九

誌銘墓表

金谿王處士壽藏銘

雲南道監察御史黃仲淵墓誌銘

兵科給事中姚君墓誌銘

贈翰林院脩撰林先生墓誌銘

楊州教授林敬齋墓誌銘

悠然翁墓銘

逸齋林先生墓誌銘

姚處士墓誌銘

南庄老人柯君墓誌銘

鄭義姑墓誌銘

進齋陳處士節婦林氏合葬墓誌銘

封禮科給事申耕隱劉先生墓表

陳處士墓表

卷第十

行狀

方處士行狀

封太孺人陳氏行實

祭文

祭松江府教授鄭先生文

祭宛平鄭相公文
祭顧君惠仲文

哀辭

庶子周先生哀辭
唐先生哀辭

傳

仕隱先生傳

文集目錄終

淡軒先生文集補遺目錄

五言古

秋江別意送林廷著應舉

七言律

題小景

寄萬壽觀陳道官 二首

再贈陳都紀 二首

七言絕句

鸚鵡

畫眉

鵲鴝

白頭烏

策

殿試對策

序

文昌林氏族譜序

送莘甫姪釣州學正序

會試錄後序

壙誌墓表

先考編脩府君壙誌

仲弟古愚墓誌銘

從兄搜玄處士墓表

鄭安人墓銘

處士質夫君墓誌銘

記

林氏重建孝友祠堂記

余氏祠堂記

雜著

撰曾仍贊

送方燦任連州序略

與音字說

南湖鄭三先生祠堂記

東坡曾氏族譜序

淡軒先生詩集卷第一

湖廣岳州府同知孫希範刻于岳陽公署

南京大理寺左寺正曾孫炳章重刻于金

陵公署

四言古詩

默齋詩三章章八

寒暑代謝品物流形化機默運歲功自成妙道
精義昭如日星聖人無言至教自明
似不能言恂恂鄉閭終日不違默識如愚仁而

不佞雍也。孰如聽言觀行，用警于予。
遠乎默齋，辟雖之隅。禮門仁宅，君子之居。彼美君子，如珪如璧。心默道尊，四方是式。

五言古詩

懶窩

尼父誨不倦，千載道有傳。回也語不惰，所以成大賢。君子恒不息，法天日乾乾。一息苟不慎，或至終身愆。卓哉張夫子，純孝格蒼天。一官入尚寶，密邇。

君王前朝進無逸戒夜誦九我篇孜孜企先哲
忠孝誠兩全作窩名以懶其然豈其然

玉菴

羹哉連城寶始蘊荆山璞冲和乘天地輝光澤
草木卞和識其真於焉獻京國圭璧與琚璜玉
人慎雕琢上可禮神祇下以祀嶽瀆懿彼學仙
流天資自超卓脩煉功已成保持志彌篤結菴
以玉名允矣寓深託

巢父

神堯有天下懇懇爲民謀禪位未得舜嘗以讓
巢由巢由聞所讓終身若貽羞洗耳清冷水舊
緇無復留時有樊仲甫適來飲其牛厭此洗耳
水驅之飲上流墳典事弗載不識誠有不若人
尚高潔於世淡無求禪位旣得舜奚憂天下憂
寥寥千載下伊誰可爲儔夷齊固讓國泰伯終
逃周仁人與至德千載揚其休

丙吉

漢相孰寡賢少卿曰丙吉輔國能用儒孰云起

刀筆道逢鬪死民過之恬不詰曰茲當禁捕實
惟京兆責頃逢人逐牛舌吐喘何急問之行幾
里方春非熱極陰陽乖燮調所憂相之職惟古
善治人儒吏出於一蕭曹漢元功寡學衆所惜
後來稱相業大體或未識賢哉丙少卿庶矣伊
周匹

樂善軒

人稟天地性萬善與之俱仁義均固有無間賢
與愚夫何利欲誘或爲氣稟拘所習日相遠善

惡遂異趨。君子貴明善思誠，以復初。去惡甚去疾，好善好色如始終。一忠信安敢替斯須。偉哉閔氏子，嗜樂與世殊。既不溺戲色，亦靡重璠璣。孜孜企君子，樂善名其居。出與善人交，歸讀古人書。尚期篤踐履，勿徒誇名譽。所以脩天爵，其斯之謂與。

牧愛堂

周君晷者，心奉命宰百里，撫綏仁且誠。冰蘖慎操履，好惡同於民。饑寒猶切已，所以六載間，民

安事亦理婦惟勤
杼機農盡力耕
耔恬無愁嘆
穀比屋弦歌起
時雨滋桑麻
春風藹桃李
竭來
覲楓宸善取諒
無比惟君不自矜
保民如赤子
牧愛揭堂居朝夕
恒疊匕願言持此心
勿少間
終始循良並古人
汗青播千祀

蘭花卷

托根在幽谷
瘦葉森以蒼
雖爲衆草伍
焉能闕
其香所以宣
尼父援琴寫
深傷至今千載
下令
人挹孤芳

木石圖

竹老鳳實殘，栢古虬根出。上垂千尺藤，下覆萬
年石。巋然霜雪中，覩此歲寒物。儼若夷齊翁，遺
世挺特立。爲愛明堂資，豈製卽官筆。歲也空山
中，相依避春色。

題山水四景

東風歛餘寒，生意遍林壑。草色沒芳洲，鶯聲出
幽谷。遊人恣追尋，田父事東作。何當賦歸來，共
此山中樂。一水繞濂溪，孤亭俯淇澳。紅膩艷新

蓮綠陰藹叢竹棲鳳獨高翔靜坐雙鷗浴
居人
有餘清吟倚石欄曲玉宇動商飈郊墟早涼入
萬水脫殘黃千峰露瘦碧有客感秋叢危然坐
一室賦罷不成寐寒蟿吟四壁萬里布同雲九
霄降滕六樹開頃刻花山峙崢嶸玉蹇驢失灞
橋廻棹迷剡曲何似袁門人擁衾睡方熟

題山水四景

淑氣轉林壑青陽變故陰
新花發枯木弱植鳴幽禽
居人感物候索居鬱冲襟
駕言訪知己携

我床上琴欲調陽春曲庶以遭知音子期邈云
遠悠々千載心山屋隱雲深危峰倚天立澗轉
暗泉通林踈斜影入有客樂餘閒相從恣所適
披襟納松風臨流坐苔石浩歌澹忘歸於馬以
終夕

蘋末起西風秋聲振林壑山雲卷復舒林葉掃
還落農事告西成歸來閉茅屋郊墟轉新涼展
卷窓下讀榮辱了不聞終身成獨樂

四野布同雲六花散川陸峰巒歛翠屏溪澗積

寒玉孤舟何處翁
垂釣清江曲
寒魚不上釣
取醉垂所欲
江村如可賒
且盡杯中綠

春景

陽和着化鈞
生意藹動植
嫩竹長烟梢
夭桃醉春色
谷鳥遷喬鳴
池鴛時並翼
感茲天地仁
物性各自適

夏景

薰風春雨餘
園林夏初及
簷葡發舊枝
六花如玉碧
雙鳥何處來
苔磯時並立
好景屬詩家
奚

囊句頻拾

秋景

寒蘆委荒渚敗荷滿清渠白鷺引翠鳥時來爭
求魚立殘水深淺雨意將何如纖鱗鳥啣去立
鷺空躊躇

冬景

林寒冰雪積百卉俱摧殘早梅破萬玉山茶吐
新丹珍禽蠟爲觜錦雉朱其冠愛此林下景相
依度歲寒

松竹石圖

古松倚天碧。幽篁拂雲長。托根傍巖石。歲寒歷
冰霜。松也負美材。可以柱明堂。竹號中簫管。可
以儀鳳凰。異哉此竒石。百尺凌穹蒼。擎天不爲
柱。駕海宜爲梁。知音嗟不遇。於焉且保藏。何人
達此意。松雪趙子昂。

蓬壺仙趣

吾聞三神仙。瑤草秋不歇。訪以渤海舟。萬里眇
一葉。寰瀛列仙居。瓊樓天與接。鸞鶴馭。飈輪誰

能踵其轍於焉嘆空歸仙凡隔胡越

七言古詩

叢竹圖

西江有客愛此君環栽門逕如雲屯蒼雪四簷
滴晴靄翠濤三逕翻南薰讀罷開窓慰寥索更
愛此君堪比德虛而有容君子心直而不撓君
子節繁枝略洗待月過留將直節凌霄高非圖
結寶來雙鳳曾製巨竿求六鰲而今久作身臺
客回首江村千里隔夢隨夜雨聽寒敲興逐西

風賞秋色伊人巧爲竹傳神與可簣簪同逼重
毫端貌出渭川景淡烟踈兩連昏晨一見令人
渾不俗反覆看來猶不足閑情彷彿到沅湘雅
趣依稀在淇澳醉來吟對好懷開非爲黑雲將
雨催袁粲謾勞造竹所徽之奚必借宅栽
朝回展玩掛高壁胷中塵慮悠然息勝於林下
陪七賢不慕溪邊招六逸憐君暫爾還故鄉歲
寒三逕猶未荒節下留題多秀句真惜珠璣寄
王堂

梅花圖

扁舟曾作西湖客。歲晚千林正蕭瑟。飛花六出
舖瓊瑤。萬樹寒梅同一色。積素凝華路不通。暗
香兩袖生微風。枝上翠禽鳴未歇。須臾片月生
晝空。別來客中空。記憶幾從驛使問。消息嗟邊
彷彿到孤山。夢裡依稀訪始射。今朝展卷畫中
看。只疑身在西湖間。泚筆題詩三嘆息。何時歸
去同歲寒。

牧牛圖

世人孰識田家樂。東作方休放牛牧。桑麻蔽野
草色深。老特遲行引黃犢。黃犢隔溪貪飲泉。老
特回顧不受牽。牧兒投鞭釋其怒。爲憐母子情
當然。荷簑荷笠行且歌。舉頭村巷炊烟多。老翁
念兒出門望。依依相見樂如何。

捕魚圖

滄江浩浩水連天。沙灘四望迥無邊。狂瀾駭浪
日洶湧。蛟龍魚鱉潛深淵。江頭族聚有村落。簞
籬參差列茅屋。携妻襁子同舟居。平生惟以漁

爲樂昨夜春雷初啟蟄江漸流盡添新碧溟鯤
變化登天潢網中所得僅盈尺颶風忽作鯨浪
揚截江大網乘流張巨鯉織鱗無所遁銀絲細
切堆雪霜玉露洒空秋氣清村醪正熟鱸可羹
醉歸蓬底臥明月一曲滄浪歌濯纓江天覆水
六花積珠綴蓑衣玉爲筮釣絲欲下水已膠縱
不得魚情更適世人多樂田家翁雨暘時若歲
屢豐誰知旱潦不可測室家舛望倉箱空或者
可樂惟樵叟山林草木皆爾有積薪買穀育妻

祭出入寧能逃虎口爲漁活計在江湖衣食易
足租易輸收綸罷釣恣戲謔狂歌醉舞相携扶
我聞呂望昔起渭非熊之占先兆瑞又聞嚴陵
隱富春客星帝座時相對一爲周家興大業一
爲漢室重風節聖賢所處豈偶然千古叢名垂
不減二公德望誰其匹漁家之樂我能識郡縣
有門誓不入軒冕縱榮終不易今日展卷爲爾
歌各安爾業無嗟跼人生富貴轉眼過臨流不
樂將如何

雙鶴圖

胎禽自是禽中仙。雲飛水宿自年牽。載箱不歸
緱嶺外。駕輪不上蓬萊巔。雙飛何日來庭前。雪
中對舞同翩躚。縞衣濕透瓊瑤潔。丹頂洗出珊
瑚鮮。雪晴舞罷更回旋。鷄群竝立何昂然。一舉
凌雲奮千里。數聲喚月聞九天。饑來欲啄靈芝
田。渴來思飲瑤池泉。獻瑞自當並鸞鳳。托棲豈
肯隨烏鳶。清介久聞蘇子愛。高情獨得林逋憐。
此日開圖見雙畫。濡毫爲賦雙鶴篇。

八駿

周家八駿號八龍一朝同入天闕中驂駟騏驎
失其貴宛西冀北群皆空一一佳名希世見三
十二蹄疾於電巡行庶慰蒼生憂却赴瑤池王
毋宴昔聞涑河龍馬生負圖而出稱四靈羲皇
因之畫八卦宏開治道昭文明我願龍馬生此
日瑞應文明追古昔八駿徒誇萬古名縱造瑤
池亦何益

德星堂

凌雲喬木羅千章綠陰深處開華堂堂前橋梓
秀晚節堦下蘭玉輝春陽隱居自是太丘喬長
者高風邁能繼賑恤長施里閭仁燕翼深爲子
孫計有子有孫俊且賢承歡問寢相後先祖抱
孫兮置膝上子服父教趨庭前一門慈孝誰不
羨兩世期願世尤鮮勝事端可追荀陳爰以德
星揭其扁太丘昔訪荀淑居季方持杖元方車
兩翁相對恣歡飲六龍侍側皆怡愉于時德星
聚百里應瑞已嘗書太史徒聞後世爲美談今

見君家能濟美矧君有孫負竒才名魁黃甲登
蓬萊推

恩將錫褒封誥歸寧有待還鄉來擁笏垂紳侍
左右日折黃封爲親壽堂中賓客視爲常此事
當時有無否

巢翠樓

百粵古號山水鄉山明水秀惟五竿龍津之流
潤百里喬松百丈磨穹蒼覆水二松猶特異乃
在烟霞最深處接葉交枝翠幄張中構小樓曰

巢○翠○工○師○無○事○巧○經○營○靡○彫○靡○飾○天○然○成○葺○藥
爲○蓬○代○陶○瓦○樛○枝○爲○棟○直○爲○楹○高○入○日○上○樓○中
坐○一○點○市○塵○飄○不○到○蓬○窓○夜○啟○鶴○同○棲○湘○簟○晝
閑○雲○共○臥○茲○樓○深○廣○僅○丈○餘○堆○床○萬○卷○皆○圖○書
膝○下○傳○經○有○賢○子○座○中○聚○首○皆○鴻○儒○屋○頭○颯○颯
天○風○起○靈○籟○號○空○聞○數○里○笙○竽○琴○瑟○相○和○鳴○若
聽○仙○韶○五○雲○裏○夜○涼○海○月○正○當○空○八○窓○虛○碧○搖
玲○瓏○夢○斷○羲○皇○清○不○寐○恍○疑○身○在○琉○璃○宮○景○融
極○適○心○悠○然○飄○飄○何○異○登○瀛○仙○誰○言○蓬○島○渺○無

遊○今○已○老○他○年○我○亦○乞○歸○田○半○榻○烟○霞○期○借○我○
路○此○是○人○寰○別○有○天○高○人○好○此○樓○居○好○少○小○遊○

琴鶴山房

江○南○山○水○稱○括○蒼○古○松○鬱○
羅○千○章○幽○人○雅○耽○
山○水○趣○綠○陰○深○處○開○山○房○詩○書○萬○卷○琴○一○張○書○
餘○掃○榻○焚○名○香○時○取○素○琴○彈○一○曲○離○鸞○別○鶴○
鷺○
洋○洋○萬○籟○寂○
風○不○揚○滿○庭○松○月○生○夜○涼○白○鶴○
翩○翩○雲○外○下○松○間○對○舞○相○低○昂○須○臾○引○頸○鳴○且○
翔○鷺○
按○節○諧○宮○商○仙○姿○自○是○知○音○侶○曲○終○相○

對兩相忘更期騎鶴來
帝鄉携琴入奏登廟廊古來至和感靈瑞九重
天上儀鳳凰

題山水爲連江趙庶子

閩南昔號山水窟山勢西來何萃嶽金鰲浮海
駕峰巒群馬飲江遠奔突曉晴文筆青揮天夕
陽覆釜凝蒼烟蝴蝶雙峰屹南峙鳳凰展翼翔
高巔地趨平曠勢欲息鬱鬱忽忽佳氣集凌雲
喬木聳千尋畫棟彫薨環百室大江浩漭日東

起寒流繞屋相縈紆宗室王孫自南渡却來此地營華居支分派別聚國族文獻迄今尚如昨風俗古稱洙泗如詩書世積雲仍讀賢仍挾策對臨軒紬書廿載遊詞垣正爾代言掌綸綍飄然引疾歸田園故園山水渺何許松翁依然親舊主有時乘月釣秋江有時課僕耕春雨人生此樂孰與爭誅茅還作宜休亭早退非緣全晚節歲寒泉石尋幽盟慚予同里復同官獨憐此日不同還開圖爲君賦歸隱唵魂長繞山水間

山水圖爲王編脩賦

毘陵山水天下最。扶輿清淑氣攸萃。峰巒聳拔
數里環湖澤。汪洋衆流匯。水光山色媚朝昏。丹
霞碧靄相氤氳。雲邊古刹參差見。雨後泉巖遠
近聞。山前甲第聚名族。數仞高墻隱喬木。盈門
軒蓋賓友過。出屋吾伊子孫讀。居人長歌歸去
來。松菊深中三逕開。臨流展席藉芳草。鏡石題
詩掃綠苔。興來更欲尋別墅。載酒携琴任容與。
西山放鶴步夕陽。東臯叱犢耕春兩。山中之樂

復何如杖藜絕勝駟馬車
洗華買斷杜陵宅盤
谷誰爭李愿居古來山水不自貧
增重在人而
已矣開圖揮洒寫新題
慙懃爲表高陽里

山水圖爲鍾先生賦

高山疊疊千萬重
凌空削出青芙蓉
遠山透迤亘百里
浮川越澗如游龍
飛瀑淙淙瀉石壁
萬頃澄江漾寒碧
雲松兩竹翠高低
霞彩烟光媚
朝夕茲山神秀鍾
於人豈惟草木滋
精神看山
三蘓不足數
要同崧嶽生
甫申中有美人抱幽

獨○牙○籤○玉○軸○書○連○屋○窮○歲○長○垂○董○子○帷○上○窀○黃○
姬○下○濂○洛○一○朝○挾○策○來○

帝○鄉○雲○梯○高○步○登○玉○堂○藉○籍○聲○名○驚○海○內○故○山○
重○爲○增○輝○光○客○裡○別○來○幾○寒○暑○夢○中○每○想○讀○書○
處○桑○梓○依○依○入○望○迷○萬○里○微○茫○隔○烟○樹○却○來○寫○
入○畫○圖○間○玉○堂○展○翫○心○自○閑○何○日○成○功○賦○歸○去○
時○與○山○人○相○往○還○

唐明皇兄弟醉歸圖

別駕一自潞州還○唐祚中興社稷安○開元至治

在勤政友愛兄弟古所難高樓新構扁華尊朝
罷相親樂其樂輦路香塵撲面來醉歸五馬相
駟逐諸王才俊世罕同孰知愛國如周公當年
若進無逸戒治效庶追三代風古來萬乘戒遊
逸宴樂之歡那可極荒淫驕侈端在茲天寶末
年悔何及

雲庵爲顏大夏司訓賦

親恩罔極同乾坤子心欲養親弗存匍匐負土
既襄事結庵還傍親之墳杳杳音容不可即思

親朝夕惟瞻雲影落松楸
霧白晝陰連窀穸迷
黃昏憶少年侍膝下日調
甘旨問寒溫朝出
必告親所往暮歸欲慰親
倚門而今宦轍隔萬
里回首瞻雲何處村目極
天南腸欲斷夢回枕
上淚空吞於馬引疾謝師
席悠然拂袖歸丘園
雲中舊庵尚無恙奉親遺
體依親魂世人垂老
溺富貴誰念伏臘曠蘋蘩
多君純孝敦古道庶
令澆俗能還淳

風木圖爲周尹賦

括蒼孝子身姓周。雙親早作泉臺遊。劬勞大德
嗟莫酬。思親長抱終身憂。邇來作宰閩海陬。枯
蒼回望雲悠悠。雲中芥屋土一丘。悲風捲地號
松揪。寒穀颯颯風颼颼。朝暮暮春還秋。樹叢
欲靜風不休。子心欲養親不留。音容難於地下
求。縱有三鼎將誰羞。花封感此雙淚流。胸中空
貯萬斛愁。昔聞負米有仲由。臯魚已往繼者疇。
知君孝感追前脩。嚴名當與二賢侔。願推此道
教遠州。閭閻厚化愚民偷。力貧膝下奉髓滫。勝

如禱祀烹羊牛

鳳鳥圖爲薛氏賦

聖人御九五禮樂昭文明綢緼和氣塞六合山
川瑞應產四靈惟鳳實爲四靈一背義負仁備
七德不搏不擊百鳥隨飲醴栖梧餐竹實舜樂
簫韶奏九成翩翩五采來虞庭周室興王自文
武于時曾向岐山鳴茲鳥端由盛德至自此見
之世尤罕接輿謾發楚狂歌已矣嘗興尼父嘆
雲龍風虎恭運開我

朝廊廟皆真才梧桐適生朝陽地和鳴雖難復
喈喈重熙累洽

聖繼聖吁咈都俞和且敬麟鳳摠在朝陽間絕
勝圖書符瑞應昔聞薛氏居河東金昆玉季三
鳳同君家迥出河東裔孫子玉立才而聰異日
行當附鳳起五采翮躡五雲裏我今揮筆爲留
題勿俾斯言爲虛美

郭熙雪景爲雷潛主事題

我昔過建溪歲逼嘉平月玄冥呵寒布同雲勝

六剪水作飛雪川原一色白皚皚千秋萬樹瓊
花開霞關有客吟詩出劍水何人乘興來武夷
溪流縈九曲溪暖殘漸瀉鳴玉重疊嶂露舊
青落落長松挺新綠古來雪景稱夏珪郭熙此
畫尤絕竒寫出瑤池與瓊島令人一見心神怡
建溪才子青雲客十載思家歸未得粉署朝回
對此圖滿目溪山宛如昔我爲題詩興不闌夢
魂迢遶閩南山何當拂袖賦歸去同歌白雪山
水間

淡軒先生詩集卷第二

湖廣岳州府同知孫希範刻于岳陽公署

南京大理寺寺正曾孫炳章重刻于金陵

公署

五言律

鳳林曉日

海。底。陽。鳥。出。林。端。萬。象。明。澗。花。分。遠。色。巢。鳥。弄。
新。鷺。出。谷。聞。樵。唱。穿。雲。見。客。行。高。人。推。枕。起。蕙。
帳。夢。初。成。

馬嶠晴雲

從龍爲雨後。隨意傍深山。伴月從舒卷。因風自
往還。陰連岩樹暗。影度石溪閑。何日期來此。誅
茅借半間。

印墩勝槩

一墩渾若印。竝立峙中流。不爲洪濤沒。疑隨大
地浮。靈蹤千古在。佳致四時幽。詩客頻登眺。嚼
杯作勝遊。

鍾嶺仙踪

仙○去○幾○千○載○遺○蹤○隔○世○氛○山○深○多○種○藥○洞○古○半
藏○雲○鶴○影○中○天○度○棋○聲○靜○夜○聞○客○來○無○覓○處○空
自○立○斜○曛○

高橋柳色

沿○溪○多○種○柳○截○岸○架○輿○梁○密○葉○凝○炯○翠○飛○虹○跨
水○長○行○人○無○病○涉○醉○客○或○尋○涼○題○柱○誰○家○子○高
車○返○故○鄉○

古祠槐陰

祠○宇○槐○陰○裡○爭○傳○閱○閱○門○家○數○期○不○墜○世○德○藹

如存秩秩明昭穆。詵詵衍子孫。歲時脩祀事。蘋藻侑芳尊。

竹林晚翠

插竹爲期誓。俄然已作林。早成登第志。豈負讀書心。勁節禁霜雪。深根幾古今。子孫常愛護。願繼舊纓簪。

菊圃秋香

解組歸田日。東籬菊正黃。肅霜存晚節。零露洒秋香。醉採情何極。吟看趣自長。悠然相對處。

度訝柴桑。

過金山寺

古刹俯幽岑，寒流八面侵。
乾坤同浩蕩，日月自升沉。
波動搖燈影，潮狂壓梵音。
幾回山下過，無分一登臨。

梅月書屋

梅梢初吐月，有客啓山房。
移榻延疎影，開簾納暗香。
書齋閑裏靜，詩興醉中狂。
嗟遍逋仙句，清光夜未央。

勿欺齋

君子思誠意孜孜謹獨知顧茲幽暗處儼若鬼神
窺動靜須交謹公私有異岐始終惟一致何愧
聖賢爲

孝友堂二首

孝友稱鄉族仁風播海隅
墳麓姜室奏詩禮鯉庭趨
群從怡如也雙親順矣手
闌墻兼諄語寧不愧斯歟

劉氏儒宗胄人稱孝友家
椿萱遲晚節蘭桂藹

春花連榻頻聽雨，稱觴滿泛霞。高風殊可仰，清
譽達京華。

山水圖

一水環門碧，群峰插漢蒼。舊誅茅結屋，旋種竹
爲莊。叱犢耕春雨，唵風步晚涼。何時乘詔起，垂
白侍巖廊。

少小別江鄉，而今鬢已蒼。素麻荒杜曲，雞犬靜
韓莊。喬木風霜古，空山月露涼。看圖思舊隱，清
夢繞回廊。

春景

乾坤回淑氣○勝景滿春山○
雨澗鳴環珮○雲峰露
髻鬟○漁翁移艇出村如汲溪○
還古剎無尋處○鐘
磬杳霽間○

夏景

結屋青山下○開門碧水前○
池魚吞藻露○巢鶴避
茶烟○隔嶺聞樵唱○沿流放釣船○
一轂籬犬吠○有
客訪林泉○

秋景

一水澄秋色。群峰淡落暉。雁投寒渚下。魚逐暮潮歸。古寺初鳴磬。孤城半掩扉。行人狂喚渡。舟子去如飛。

冬景

同雲連野暝。密雪洒風斜。山掩千重翠。林開一色花。沙明迷落雁。野凍絕飛鴉。孰識詩翁樂。攜壺問酒家。

山水四景爲貳守劉公賦

樹隱三間屋。門橫獨木橋。山行留謝屐。水飲剩

顏瓢徑兩苔痕積。庭晴鶴迹饒。詩人應不厭乘
興日相招。

別墅清溪上。幽居夏正宜。門閑無客到。機息有
鷗知。慢爲來薰捲。床因就竹移。書餘無外事。相
對一枰碁。

野客登危石。茅亭俯碧流。菊香三逕露。月色一
天秋。垂釣魚吞餌。移帆鶴避舟。不堪清景迫。詩
思更相留。

同雲連四野。滕六遍江城。天地浮光溢。川原積

素平賦因梁苑就詩向灞橋成高臥無人問窮
簷午夢清

七言律

王堂賞花和李文達公韵

乾坤和氣毓群芳歲久方開不類常三本瑞符
三相兆八花巧配八仙粧真誇異品求姚魏且
賦新題和李黃罷章制麻邀共賞偷閑半日樂
壺觴

不逐東風伍衆芳南薰相伴歲爲常獨開正值

清和景共賞，偏憐素淡粧。
玉帶肇名新賜白，金
腰應瑞舊圍黃。調元金鼎歸儒相，何事瑤池阿
母觴。

朝回奚用遠尋芳，紅藥當階在目常。
不與牡丹爲近侍，獨邀齒齶伴新粧。
數聲隔葉鶯唇巧，雙影穿花蝶翅黃。
一曲郢歌真絕唱，和難甘罰曲流觴。

最愛開時殿衆芳，托根秘閣更超常。
白黃濃淡三分色，葩萼低昂一樣粧。
往昔借看惟頃刻，于

今吟對任昏黃老來叨入斯文會量淺難容醉
後觴

珠玉盈箋句吐芳花前莫厭賞尋常高情頓起
詩人興浩態難爲畫史粧萱草當堦斜映綠葵
花隔檻遠分黃念予久負歸休志來歲無緣共
此觴

金臺夕照

層臺百尺聳高寒晚景無邊落照間光映殘霞
輝北闕影垂薄靄掛西山林端樹色催鴉集雲

外鍾散送鶴還歸客。銜行休策蹇。重門無事尚
遲關。

潞渚晴雲

離亭休唱遏雲歌。雲本無心聚散多。出岫遠從
闕海起。隨風暫向潞江過。團陰晚送催詩雨。倒
影晴籠浸月波。親舍南瞻何處是。思歸遊子欲
如何。

建溪深隱

建溪深處舊淪居。松菊環門護草廬。壁掛簞瓢

顏氏樂架度圖史。曠庵書殘紅滿砌。花慵掃清
翠交庭草不除。溪上詩翁今已去。高風千載重
鄉閭。

久慕潼南有隱君。建溪深處臥閑雲。清泉白石
供吟興。淨几明窓隔世氛。苔砌雨晴留鶴跡。墨
池水煖戲鶯群。絳衣賢子承顏暇。燈下詩書課
夜分。

九華清隱

遠聞勝槩每心馳。此日乘閑一訪之。逕積苔痕

宵雨歇庭留花影夕陽遲華峰分翠來蓬牖綠
水流波入藕池月上主人隨鶴返更燒銀燭索
題詩

山水圖

獨木橫橋跨石磯白雲深處客來稀春深滿地
花頻掃日落巢松鶴自歸罷釣獨回江上艇抱
琴誰扣月中扉更憐絕頂無尋處幾杵僧鐘出
翠微

縈迴蘿逕遶柴扉喬林陰陰一草亭出澗飛流

千丈練環門列障四圍屏
苔牆兩過留螭篆松
榻風來墜鶴翎出處聖賢應有道
移文奚愧北山靈

林泉居

卜築城南屋數椽
箇中別自有林泉
客稀不爲門
長閉心遠方知地
自偏分得稻畦移
翁種留將沙渚借
鷗眠醉來歌罷滄
浪曲揮洒新圖作
輞川

林泉咫尺隔塵寰
邈矣高蹤不可攀
明月清風

將興遠浮雲流水與心閑石庭過雨因花掃野
艇乘風載鶴還真信箇中有深樂移居何必入
商山

水仙花爲僧賦

半爲淡白半深黃金盞銀壺一樣粧夜月水邊
斜弄影春風林下暗吹香洛川神女羞爲態山
谷詩人欲斷腸知是當年逢賈島故留仙種到
禪房

水亭先隴

鳳凰山下水亭南，斧屋巍也舊築三壺嶠。屏開
青削玉，蘭溪帶繞碧。拖藍蘋，繫歲展春秋。省楸
檟時承雨露，涵底用穹碑。書祖德，行人過此一
停驂。

烏石先隴

地擁荷珠自異凡，千年玉樹此封緘。牛眠久肇
神僧卜，螭刻猶存太史銜。種麥有畦侵壟隧，採
薪無斧及松杉。神靈千古應如在，顧我雲仍酬
一盃。

壺山草堂圖

山到壺公是故鄉。畫圖寫出舊書堂。
雲濤曉漲千巖白。海氣晴添半夜涼。
庭竹凝烟簷滴翠。檻花飄露硯浮香。
別來漫憶躬耕處。付與漁樵醉夕陽。

幾間茅屋蔭長松。逕轉溪橋路幾重。
碧樹深中巢獨鶴。白雲斷處露危峰。
一巵送晚漁舟笛。數杵敲風梵宇鐘。
詩社主人猶在客。當年題詠尚

留蹤。

遊石室巖

藍輿緩步訪招提。逕入煙蘿路不迷。山色有無
雲聚散。鍾磬遠近寺東西。紅飄澗底看花落。翠
滴松梢見鶴栖。落日催歸餘興盡。南廊掃壁強
留題。

鄧林書屋

鄧林逕轉路縈紆。喬木深中宅一區。藜杖何人
過草閣。雲梯有客步天衢。翠交庭草春風滿。影
瘦瓶梅夜月孤。持節久聞清憲紀。窮經信不負。

名儒

早歲文章獨老蒼窮經十載隱茅堂青藜照夜
長吹焰丹桂凌雲遠送香寂寞一區楊子宅縱
橫萬卷鄴侯庄而今秉憲三朝貴回晉山川倍
有光

憶昔携書觀國光獨留書屋鄧林庄春風庭草
仍交翠曉雪墻梅幾度香孫室當年曾閉戶孔
門早歲得升堂一官未遂歸來興三逕依然髮
已蒼

濂江書室 有序

三山趙君德言舉明經教浙之龍泉間嘗示
余以先世所作濂江書室圖卷鄉先正暨諸
縉紳皆有詩文屬題于後余惟德言宋文昭
公林少穎先生其十一世祖也高祖溶贅趙
因冒其姓未復文昭道學鉅族也江南之學
者咸宗焉諸作略無一言及之者余故表而
出之俾閱是卷者知書澤之有自云

蠹簡芸篇積滿房
巍巍甲第鄭公鄉
藜燈吹焰

書幃晃花露研硃硯井香物理遠窮探月窟文
儒晝會聚星堂賢仍不墜淵源學講道芹宮播
遠芳

濂江鉅族有山房裔出晝林聚趙鄉鼻祖當時
崇理學雲孫奕世續書香文成珠玉輝詞海道
嚼膏腴蘊草堂自是文昭垂慶遠亢宗英俊挹
餘芳

江湖勝覽有序

金陵蔡應和個儻士也喜作游觀樂因字其

行卷曰江湖勝覽一日道莆托余邑宰許侯
索題卷後余因語侯曰夫遊非一有志於著
述而遊有志於仕宦而遊有志於貨殖而遊
漢司馬子長負不羈之才志於著述故欲歷
覽四方採古今勝蹟以博胸中之趣然後發
爲克棟汗牛之書千載而下稱史學者莫或
出其右應和其殆志於著述而遊歟不然憲
僉黃公大尹林先生何其以子旻之事告之
苟爲仕宦而遊歟金陵神臯聖襄也山川壯

麗宮闕雄偉禮樂教化所自出龐臣碩士茲
言傑論日接乎耳目欲求博物洽聞者舍是
將焉適今應和顧乃去京師離鄉井跋危涉
險不遠數千里而至於斯其必志於貨殖而
遊歟侯曰非也嘗聞應和之言曰天地一旅
亭也萬物皆過客耳於是遂托於商旅以寓
遊觀之樂若將終身焉者其功名且不脛豈
規規貨利者哉予曰然則應和其莊周所謂
天遊者歟因賦詩以歸之

聞道家居在帝都。一生浪迹走江湖。東窺洙泗。西巴蜀。朝涉沅湘暮越吳。離索久忘鄉土念。驅馳豈爲利名圖。莊生所謂天遊者。今見斯人可與徒。

風梅

姑射仙人降玉霄。凌風環珮散瓊瑤。朱宮桂額英初落。商鼎調羹寶未饒。雪盡暗香空外度。月明疎影水中搖。一枝欲寄江南使。萬片紛紛折處凋。

三
烟梅

幾抹寒烟。早月光。仙姝歛衽欲深藏。不將素臉
誇常態。暫借烏紗。換異粧。月淡西湖微見影。霜
清東閣暗聞香。曉來不許風吹散。獨把真心向
太陽。

三
月梅

園林薄暮。六花晴。高掛梅梢。月正盈。蟾影瘦添
疎影瘦。桂香清。奪暗香。清三更。風露孤輪滿。萬
斛珠璣一色明。翠羽嘈嘈啼未歇。羅浮深處。摩

初成

雪梅

試問孤山路幾程。梅花深處六花盈。冷侵素面
欺霜白。光照水魂。借月明。十里瓊瑤同一色。半
庭松竹。伴雙清。詩翁獨步茅簷下。不用揮敲句
自成。

樂靜軒

禾川南去是花庄。新闢畬田舊草堂。野馬不來
松菊徑。沙鷗獨占水雲鄉。一犁好雨春耕早。半

榻清風午夢長擾擾利名從可樂會如靜裏詠
滄浪

敦本堂爲孔先生賦

東魯高瞻闕里門巍巍道德準乾坤爵封衍聖
尊宗子學闡遺經繼別孫洙泗遡源流益遠嚮
溫分派澤如存願言來裔加培溉枝葉敷繁本
自敦

雙竹爲曹御史賦

兩竿聳翠柏臺陰千畝曾誇渭水濤影動午風

雙鳳舞。鸞鳴夜雨。二龍吟。舊班猶濕。英皇淚勁。
節真同伯叔。心柱史朝回。相對處。滿懷佳句。費
搜尋。

讀易爲杜御史賦

志士孜孜希聖賢。潛心一室玩韋編。道窮太極
原無極。圖辨先天及後天。進退存亡知數定。精
微潔淨得心傳。而今已寡平生過。造詣還須假
數年。

終日乾乾誦九三。義文周孔遠窮深。硃研花露

清晨點燈。蕤蘭膏靜。夜談必也。學隨年並進。自然心與理相涵。而今致用文明世。經術應無愧。晦菴。

梅月雙清圖爲李主事賦

仙郎高興遶孤山。圖寫雙清每獨看。萬樹梅花開水畔。一輪桂魄掛林端。冰魂夜逼夢魂冷。玉骨時侵詩骨寒。粉署吟成渾不寐。瑤琴更取月中彈。

烟雨萬竿圖

千畝栽來手自刪，環門留得萬琅玕。
冰霜不變三冬節，烟雨潛回六月寒。
滿地龍蛇浮月影，舞空鸞鳳振風翰。
無邊詩興侵人處，粉署朝回自在看。

送柯孟時洗馬主京闈鄉試

京尹上言徵主試，儒臣承

詔出蓬萊。魁星光並奎星聚，藻鑑明同月鑑開。
至理莫教違聖道，浮詞未必得真才。
門墻自此皆桃李，無限庄田亦富哉。

送劉贊善先生赴南京鄉闈主考

王堂秉筆舊儒臣。主考南畿喜得人。旭日九天辭紫禁。文星五夜照蒼旻。崑山採玉能迷目。滄海求珠欲辨真。撒棘歸來心似水。奚囊拾句摠清新。

送王編脩祀東嶽

玉音特遣玉堂人。千里函書祀岳神。恩拜

九天承重命。禮成三獻享明禋。雨暘時若天心

順。民物咸寧帝澤新。歸日龍顏知有喜。載歌四

壯宴嘉賓

送邢檢討省親

恩封已授二親官
疏乞歸寧特賜還
玉署深中傾別酒
白雲飛處望歸山

誥頒錦軸雙鸞耀
衣舞華筵五綵班
遙想寸心頻戀闕
夢隨曉漏覲天顏

送巡撫廣西刑部侍郎李公引疾歸縉雲

長才勁節玉無瑕
服遠竒勳

帝所嘉自許，攄忠惟爲國。共憐引疾早，還家問
醫好。種董林杏逸，老惟栽陶徑。花台輔只今，需
碩德蒲輪不日上京華。

送都御史劉公鎮撫遼東

節鉞躬持下九天，法星萬里照三邊。霜臺久肅
朝端政，沙漠今專閩外權。刁斗聲沉閑夜月，旆
旌影動掃秋烟。

聖明無復憂東顧，茂績當垂竹帛傳。

送顧都御史致仕

早陳三策際雍熙晚執臺綱肅百司正色每
權貴避忠言深悟聖明知四朝雨露恩殊渥
歲冰霜節不移此日功成成白首乞歸應與
疏期

一封優詔出明光特許懸車入故鄉燈下久聞
焚諫草袖中猶欲進彈章烏臺路遠風霜少綠
野堂開日月晔

聖主九重思舊德蒲輪不日到巖廊

送李御史出按京畿

玉節晨持下九霄，駢駢四牡駕星輶。
清秋膏雨隨車霈，白日飛霜拂簡瓢。
古柏臺中清憲紀，甘棠巷裏聽民謠。
周爰八郡宣皇澤，畿甸人民頌帝堯。

送李御史巡鹽兩淮

觀風重選柏臺賢。

天語丁寧對御筵，膏雨曾沾三晉地。
法星高照兩淮天，家家煮海亭民竈。
處處停橈賈客船，漕運四通邊餉足。
閭閻頻聽頌豐年。

送劉行人使琉球

皇華歌徹鳳池頭。兩袖辰熏拜冕旒。玉節躬持
天闕曉。使星遠照海門秋。風迎舟楫鯨波息。霧
散樓臺鱸氣收。此去好宣仁義化。須令外國齒
中州。

送姪長清員外赴南京

宦途十載嘆參商。邂逅相看鬢各蒼。紫禁朝天
期接武。清霄聽雨負連床。葵因向日丹心吐。菊
爲禁霜晚節香。莫遣辭榮慚廣受。相期早退入

壺陽

送翁世資主事書取還

二難文行古名儒
藉藉賢轂播兩都
風雨連床諧舊約
池塘得句夢初蘓
轂悲原上雙鴿急
影斷天南一雁孤
我亦弟兄唵久別
老來無分會江湖

送區主事之南京詩

有序

曩余家兄教廣庠以滿秩便道還家屢爲余道館下生曰區賢德夫質美而行粹從余授

詩經恒有相長益異日為名進士必其人歟
或問其弟子之學者家兄必首舉德夫以對
余故熟記姓名每以不得一識而為憾永樂
癸卯果擢廣東鄉試第一閱所錄程文尤嘆
服不置宣德庚戌余領鄉薦上春官而德夫
亦至始酬夙所願既而聯捷進士余忝官翰
林德夫奉命歸讀書于家繼又聞德夫居母
憂今年春以服闋赴召來京相見即懇問家
兄已物故矣追感泣下無何德夫擢南京冬

官主事將別而去予因念德夫於家兄為師
弟同道也於余同年也於其行也寧已於言
乎遂成二律以叙別奠德夫誦予之詩追念
家兄之教慎厥職勵厥行不負為名進士則
於同年同道庶皆有光焉余與德夫為同年
非他人比故敢寓以規誡云

吾兄昔教五羊城羨子文章最老成萬里青雲
誇獨步九重黃甲喜聯名簪花曾共瓊林醉衣
錦先為梓里榮一自都門分手後想明月幾

八五

相逢正喜叙同年客邸寒燈夜榻連
曙月鷓班同北上秋風馬首獨南旋
路分燕市逢晴雨樹接鍾山藹瑞烟
別後若能相慰處好將勲業繼前賢

送周叅政之閩藩和楊少師韻

一封璽勅照金泥兩袖爐熏出玉墀

天語丁寧辭闕日皇仁宣布到闕時
霜清海道宵聞柝日射樓船曉豎旗
喙息蠻童皆膽落威

名草木已先知

新捧除書來函省舊陳治策對丹墀持心勁節
高當世禦侮奇勲建此時公退雕簷看荔錦詩
成石鼎試茶旗在朝尚憶爲即日清白爭傳古
四知

送王少卿赴南京太常

蓬萊深處曳晁裾俊逸才華世罕如筆法遠承
家學在綸音頻對

御筵書官聯玉署承恩久禮典容臺拜命初明

到南京親舍近晉陵東望是鄉間

九重奉命出蓬萊
話別都亭酒一杯
官拜兩京親

帝里職司二禮肅
容臺龍江錦浪千層湧
鍾阜紅雲五色開
公暇想多吟眺興
詩筒數寄玉堂來

送李大叅年兄赴蜀

名聯黃榜憶同年
羨子才優兩峻遷
瑞旭九天
辭北闕福星萬里照
西川按行日叱王尊
馭題

詠時賡杜甫聯喜遇西江劉憲副春風到處共
回旋

送按察司副使顧君赴福建

除書捧出九重天
觀察爭稱得鉅賢
持節久爲

烏府使
摛文曾作玉堂仙
紅袍刺豸新裁錦白

簡乘驄早著鞭
聞海下車入
揔喜陽春有脚遍

周旋

朝回曙色尚熹微
龍節行秋去若飛
聞海共迎

驄馬至吳門
爭看繡衣歸
三春雨露宣

皇澤六月風霜肅憲成田野熙々無莖色法星
晃並福星輝

送張僉事之廣東

內臺執法舊馳轂廣憲新遷重老成振珮曉辭
雙鳳闕褰帷春入五羊城桄榔滴翠蠻烟歛荔
子垂丹海雨晴郡國按行時駐節無邊詩景入
懷清

送廷輝宗兄僉憲湖廣

一別俄驚十載間客中重見別尤難謝庭得句

空成夢，姜被連床未盡歡。歲晚荆南，憐獨往。月
明薊北，憶同看。遙知柏府相思處，雁度衡陽雪。
正寒

送郡守陸公述職

紫禁鐘殘玉鑰開，珊上環珮集蓬萊。民功奏上
天顏喜，仙樂聲齊曙色催。花壓烏紗陪宴出，勅
頒玉壘錫恩來。還期真負兒童約，竹騎春風候
道隈。

送范知府

小試雷封僅半年政聲已遠九重天梁公豈久
淹彭澤黃霸今聞在潁川未約村童騎竹馬須
令郡吏耻蒲鞭循良莫負名鄉薦台輔應知自
此遷

都門設祖餞同年桀柳啼鶯三月天日下
思承新雨露荆南路繞舊山川臨歧握手難分
袂駐馬停杯欲贈鞭建立功名須及早青春歲
月易推遷

送祥鳳族姪

卸却儒冠著豸冠，霜威不入舊羶寒。
讖刑莫厭平反屢，抗疏誰知諫諍難。
樵倖聞風先落膽，困窮仰德盡開顏。
古來風憲稱賢者，擬列芳名竹帛間。

祖帳晨開北郭門，聊歌鄙句侑離樽。
論交久念從三世，遡本還思出一源。
欲振風聲追祖德，好傾忠藎報君恩。
莫言宦路雲泥異，同姓於人古所敦。

送方通判致仕

悠然解組出朝端，烏石山前早掛冠。
薰帶勝於金帶重，黃堂寧似草堂寬。
鑑湖逸興初歸賀，潮郡文風尚慕韓。
北牖夢回清興逼，句成應不費嗟安。

送黃大尹之東鹿

幾度都門惜解携，每懷宦轍隔東西。
久知異政能馴雉，暫屈長才試割雞。
桃李春風開滿縣，桑麻時雨翠連畦。
更聞此邑佳山水，公退循行任品題。

送丁大尹復任當塗

政敵早已動詞林一識韓荆喜自今兩邑久淹
無慍色百年不改有清心鳧邊去路王喬舄馬
首行囊子賤琴作傳自當歸直筆題詩聊且頌
徽音

送周主簿之任吳橋

天子飛龍十二閑牧人自古選能官驂騮昔重
王良御騏驥今歸伯樂看莫把千金酌馬價須
今百里沒民癡吳橋入夜房星現首藿初收收

地寬

送王教授之韶陽

說鈴遠駕入韶陽便道西行過故鄉師道久知
遵孔孟士風復見踵余張折梅庾嶺題詩寄採
乳鍾潭和酒嘗更慶溪山多勝槩詩收珠玉富
嗟囊

送方玘解元會試

喬木蒼蒼舊闕門千年文獻有仍孫高攀丹桂
登蟾窟遠步青雲扣

帝閣忠節尚期追
二相文章早見占
三元分岐愧之
黃金贖敢效仁人
贈以言

送盧守初會試

落日岐亭祖帳開
慙慙話別且停盃
一經擢第承家學
三策

臨軒識異才
驛路寒威殘雪積
禁城春色早鶯催
醉歸馬上花簪帽
知是瓊林錫宴回

挽金尚書

比來曳杖自逍遙
梁木那堪一夕凋
聽履不聞

登玉殿騎箕忽覩上丹霄蒼生仰德咸揮淚
聖主懷賢爲輟朝遺像當歸麟閣上英雄不用
薤歌招

挽章侍郎

早遊玉署事編摩典禮南宮兩鬢皤官歷
四朝勲業舊誥封三世寵恩多交州猶仰星輶
至淮浦俄驚旅視過家學繼承欣有子少年三
策占巍科

挽張僉都

天道冥々不可知大賢胡享不期願窮通壽夭
雖由命生死榮衰更有誰太史揮毫書舊德行
人墮淚讀新碑更怜垂鶴雙親老腸斷西風痛
白着

挽周學士

早陳三策奉臨軒高步瀛洲入禁垣金匱書成
三聖史玉堂官擢

五朝恩衡文屢得忠良士進講時陳切直言六
十一年成大夢源源慶澤在兒孫

薤露轂哀徹九泉詞林知己共潸然經生獨遡
淵源學

聖主深懷諫諍賢史貶遼金明三統文追秦漢
著遺編巍也馬鬣文江上入夜奎光照昊天

挽叔剛先生

閩南桑梓舊同鄉客裏論交在玉堂愧我頑愚
成錮疾多君藥石有良方看花紫陌曾聯騎剪
燭清霄或對床此日追思猶夢寐寫來哀些淚
行行

文星一夕暗南閩詞苑爭驚喪哲人三傳誰能
明筆削九重空待掌絲綸虞廷正觀來儀鳳魯
叟寧知泣路麟跖也永年顏也天難將此語問
蒼旻

挽李太守

早年致用際明良中外勤勞兩鬢霜仕已何曾
形喜愠窮通惟自信行藏心存愷悌今黃霸志
在澄清昔范滂正擬辭榮歸綠野南柯一枕夢
何長

七十年華嘆擲梭哲人逝矣痛如何去思未起
甘棠詠哀挽翻聞薤露歌四友堂空春夢斷三
休亭在夜魂過棗林原上龜螭碣千載令人感
慨多

挽林狀元

策對臨軒第一人細書金匱老詞臣文騰天府
輝奎壁端應

皇朝集鳳麟滿謂百齡天與壽詎知一夢歲逢
辰康林山下深埋玉宿草芊芊馬鬣新

挽陳會元父

卜築東湖地自寬肯堂肯播爲遺安庭栽荔子
千年澤軒老梅花幾歲寒進士登朝稱令子大
夫錫爵贈高官龜跌螭首書潛德留與行人拭
淚看

大帶深衣雪滿簪菊松深處徑開三經傳冢子
魁天下跡比遺民老水南讀罷梅軒書未掩夢
回槐國睡初酣官封五品推恩典共荷

皇朝聖澤覃

挽學正鄭先生

四朝講道舊青瑣夢熟黃梁致仕年萬里關山
歸旅襯八壺霜露洒新阡名齊北斗諸生仰學
紹南湖奕世傳孤子終天深抱痛戴星歸去淚
潸然

挽夏主事祖處士

九十年來一布衣姑蘓城下樂栖遲渭川未入
非熊兆賈室先聞賦鵬悲宰木高懸吳子劍墓
門新刻葵邕碑料知山水經行處千古高風似

一時

少微昨夜墜黃昏
吊客忽忽總在門
白社題詩無故老
青雲登第有賢孫
未霑祿養陳三益
終擬

恩封賁九原
積善古來天所報
千年遺澤尚如存

挽錢季恂

故阡拱木翳佳城
孝弟還聞日且評
道死共憐勞父事
家居曲盡愛兒情
田廬曉雨荆花落
謝

秋風玉樹，俄惟有詩書在。讀來尚記舊時名。

四十年來一夢醒，才晁命短恨難平。孔門好學傷顏子，漢室求賢惜賈主。掛劍九泉朋舊約，扶棺千里弟兄情。讀銘追感當時事，欲寫哀歌兩淚橫。

挽監生林子顯妻

婺星午夜墮穹蒼，飛訃俄驚到遠方。月冷鳳幃空夜夢，塵埋鸞鏡罷晨粧。鼓盆此夕歌莊子，梨

誰將○紫無由見孟先惆悵舅姑俱白髮高堂甘旨
誰將○

夢入重泉罷画眉深閨寂寂掩朱扉客中不寄
回文錦窓下猶留斷織機雨洒殘春花有淚雲
籠清夜月無輝夫君千里傷心處纔聽寒砧想
寄衣○